



UNIVERSITÄTS-  
BIBLIOTHEK  
PADERBORN

**Antonii Milliei, Lvgdvnensis, E Societate Iesv, Moyses  
Viator**


**Millieu, Antoine**

**Lugduni, 1636**

Libri Noni Argumentum, & Synopsis.

---

[urn:nbn:de:hbz:466:1-69066](https://nbn-resolving.org/urn:nbn:de:hbz:466:1-69066)



# LIBRI NONI

## *Argumentum, & Synopsis.*

**A**BSENTIAM Ducis, longiorem quàm sperauerat, non ferens populus, & diuturniores ad Sinam pertæsus moras inexpiabili scelere in idololatriam labitur ficto, fusòque Vitulo aureo, ac per extrema amentia stuporem propè incredibilem dedicato, & publica Apotheosi consecrato. Hæc summa fuit Religionis, & fidei tentatio, & peccatum contra primum diuinæ antiquissimæ, recentissimæque legis caput, quod toties postea populo Deus ad pudorem obiecit: nec dubium est, quin Diabolus, idolomania author, permisâ ad tentandum potestate, & horâ tenebrarum, præstigiis hîc suis plurima molitus sit ad reuocandos Apis, & Ifidis nefarios ritus, quibus probabile est inter Ægyptios, plerosque Israëlitarum fuisse corruptos. Moses è monte reuersus facinoris atrocitatem seuerè ultus, Dei iustitiam vindicem placare satagit, comminuto primùm idolo, eiusque cineribus populo propinatis, largissimo deinde sacrilegorum sanguine: salutari denique poenitentia publicè indictâ, cum specie nonnulla publici interdicti, exportatis sacris extra castra. Deo tandem exorato in montem redit ad tertium ieiunium quadraginta dierum, & legem recuperandam nouis tabulis cum sceleris publici veniâ. Poenitentia idololatriam expiat, quam victor tandem Christus toto orbe profligabit. Tragoediæ actus dabit Synopsis.

1 Sceleris atrocitas, & stupenda populi cæcitas proponitur.

2 Querelæ, & causæ fastidij in absentia Mosis longiore.

3 Diabolus seditionis incentor, occasione oblatâ ad suadendam idololatriam, cuius ipse inuentor fuit, illufis

T 2 olim

292 *Libri IX. Argumentum,*

olim gentibus, vitur ipse bellua; Babyloniam meretricem purpuratam tergo inuehit, Apocal. 17. quæ impietatis poculum toti orbi propinat.

4 Miscet se populo per castra, & fictis causis impietatem suadet, obtentu liberæ religionis, & exemplo aliarum nationum: spargit in vulgus falsum rumorem de morte Mosis; tanquam fulmine ictus deflagrarit.

5 Infamia populi à Babylonæ meretricis poculo.

6 Traditio, an Rabbinica fabula? de viso inter nubes Mosis cadauere; vnde furor multitudinis nouos Deos flagrantis.

7 Stupor incredibilis ducum, qui furorem populi non represserint.

8 Traditio est Rabbinica, Hurum conatum esse multitudinis insaniam prohibere, sed frustra, nec sine vitæ discrimine.

9 Propter eam libertatem vexatus contumeliis à populo, si non occisus, vt quibusdam placuit; qui eum Martyrem faciunt. Aronis trepidatio indigna Principe, grauissimum eius peccatum non excusat.

10 Aaron metu, aut prudentia carnis cæcatus, pretio ingenti materiæ fusilis tentat auertere insaniam, aurum postulat ad fingendum simulacrum.

11 Nullis sumptibus parcat impietas: spoliatur fides mysticis suis ornamentis, & monilia Synagogæ proiciuntur in ignem.

12 Fingitur hic vituli faber Acoreus, simulacrorum insignis artifex: quæ causa vituli fingendi potius, quam alterius simulacri? an fuerit Apis, an Isis?

13 Statuitur Idolum bouilla maiestate, habitu Apis Ægyptij.

14 Satanæ fraudes, in obsidendis, & mouendis Idolis ad illusionem populi.

15 Dei patientia in ferenda populi blasphemiam in consecratione Vituli.

16 Dies solennis indicta per præconem ad nefarios ritus sacrorum: impietatis pompa describitur.

17 Indigetatio

- 17 Indigetatio Apis, aut Nili in vitulo.
- 18 Comestatio populi, qui fedit manducare, & bibere, & surrexerunt ludere.
- 19 Deus iratum se ostendit in morte Mosi, & scelere populi offensum grauissimè.
- 20 Offensum placare insistit Moses humillimis precibus, & per sanctissima quæque obsecrat.
- 21 Placator Deus eum cum tabulis in castra redire iubet.
- 22 Moses agnito scelere, dolore incredibilem saucius; tabulas ad rupem illis frangit: quare.
- 23 Inuadit, & deicit Idololum, sacra disturbat, ac dissipat, adnitente Iosue ministro: trepidante, & stupente populo ad illius reditum inopinatum, & ardorem animi.
- 24 Corripit grauissimè impios; sceleris atrocitatem ostendit, & prima piacula indicit, potandas publicæ ignominie faeces cum vituli fauilla.
- 25 Bibit ipse, & Aaroni grauissimis verbis castigato propinat: tum Principibus aliis, & omni populo.
- 26 Aaron separat noxios ab innoxiiis: an indicio barbarum aurearum? quas fontibus aqua illa expiatoria tinxerit ad prodendos noxios, vt fabella fert Rabbínica.
- 27 Moses ratus seueriore aliquo exemplo satisfaciendum læsæ maiestati diuinæ, & coercendam impietatem, iubet cædem noxiorum, & Leuitas, aliosque ad eam hortatur.
- 28 Laudantur vindices legis Leuitæ: merces zelo promittitur.
- 29 Imperat omnibus poenitentiam tanti sceleris, dum ipse acturus de venia Deum adit.
- 30 Montem repetit ad secundum ieiunium quadraginta dierum, & orandam populo veniam.
- 31 Placatur Deus Mosi precibus: qui factus audentior petit visionem diuini vultus, vt pignus reconciliatæ gratiæ.
- 32 Deus se promittit populo ductorem fore sicut prius, & Mosi priuatim visionem quandam mirabilem sui in spelunca, vbi posteriora Dei visurus sit.

294 *Libri I X. Argumentum.*

33 Remittitur in castra ex illo secundo colloquio die quadragesima ; tempus omne breue videtur in eiusmodi cum Deo congressibus.

34 Redit in castra vt præco Poenitentiae , quam Deus illi sociam dedit, populi pectoribus altè inferendam. Nemesis, seu Poenitentiae qualis cultus ; qui sensus.

35 Sacra exportat è castris Moses , translato tabernaculo ; quod sequuta est columna extra castra fixum, tanquam in publici interdicti luctu , Iosue præfectus tabernaculo, vt sacrorum custos.

36 Poenitentia Belluam cum Babylonia meretrice fugat, id est, Idololatriam castris longè extrudit, eique insultat : & Christum illius toto orbe victorem fore denuntiat.

37 Diabolus interim Mundi Princeps minatur Idola reponenda, etiam in populo Dei : quod nimis quàm sæpè tentauit, & perfecit : gloriatur de sui in Idolis cultu toto orbe.

38 Repullulant capita hydræ , & meretrix Babylonia ad pompam toto circumfertur orbe sensim à Christo vincenda.

39 Multi Christianos inter Ieroboanes eam conantur reponere nefariis superstitionibus.

40 Ludi, spectacula, scenica, saltationes, laruæ, Bacchanal Christianis iam vrbibus annum , quid aliud quàm Idolorum & impietatis reliquiae ? & *Venter Deus* Crucis Christi inimicis dedicatus.

41 Quæ tandem aliquando omnia profligabit Christus. Moses interim redit in montem expolitis nouis tabulis.

LIBER